

Bangala - Kobikisa Buku na Nzambe - Healing Scriptures

Kobima 15:26 Alobaki: "Soki bozali mpenza kotosa ngai Nkolo, Nzambe na bino, soki bozali kosala makambo oyo ngai namonaka sembo, soki bobateli mitindo na ngai mpe bozali kosalela mibeko na ngai nyoso, wana nakotindela bino ata mpasi moko te ndenge nasalaki Baezipeto. Mpamba te nazali Nkolo oyo abikisaki bino."

KozongelaMibeko 7:15 Nkolo akolongola na kati na bino malali nyoso mpe bampasi minene oyo ekweelaki Baezipeto, ndenge bino moko boyebi; akotindela bino yango te, kasi akotinda yango bobele epai ya batu oyo bayinaka bino.

Njembo 107:20 Atindi maloba, mpe yango ebikisi bango; elongoli bango na liwa.

Njembo 146:8 Nkolo afungolaka miso ya batu bakufeli miso. Nkolo atelemisaka baoyo bagunzami; Nkolo alingaka batu ya bosembro.

Isaya 35:5 Boye batu bakufeli miso bakobanda komona, baoyo bakufeli matoi bakobanda koyoka.

Isaya 53:5 Kasi batabolaki ye mpo na masumu na biso, banyataki ye mpo na mabe na biso. Azwaki etumbu oyo epesi biso kimia; biso tobiki mpo na bampota ye azokaki.

Isaya 58:8 Bongo nde kongenga na yo ekobima lokola kotana na ntongo. Kobika na yo ekobima noki, bosembro na yo ekotambola liboso na yo mpe nkembo ya Nkolo ekobatela yo na nsima.

Yeremia 30:17 Bazali kobenga yo 'Motu batiki', 'Siona oyo motu moko te alingaka'; kasi ngai nakobikisa yo na bampota na yo, nakokaokisa yango." Nkolo alobi boye.

Yeremia 33:6 Kasi nakopesa yango kobikisama mpe nzoto malamu, nakobikisa bango. Nakosala ete bakuma kati na kimia mpe bosembro.

Malaki 4:2(20) "Kasi bino batu botosaka ngai, nakobikisa bino. Nguya na ngai ekobimela bino lokola moi. Bokozwa bosomi mpe bokopumbwa na esengo, lokola bana-ngombe oyo babimi na libanda.

Matayo 4:23,24 Yesu azalaki kotambola kati na provese na Galilaya nyoso kol-akisa kati na ndako ya losambo ya Bayuda. Azalaki kosakola Nsango Mala-mu na Bokonzi, mpe kobikisa malali nyoso mpe mpasi nyoso oyo ezalaki na nzoto ya batu. 24 Nsango na ye etambolaki na teritware na Siria nyoso, boye bamemaki epai na ye batu nyoso oyo bazalaki koyoka mpasi na malali ndenge na ndenge, mpe mpasi ndenge na ndenge ezalaki konyokola bango: bobele batu oyo bazalaki na milimo mabe, batu oyo bazalaki na malali kobwaka batu na nse, batu petepete. Mpe Yesu abikisaki bango nyoso.

Matayo 8:16,17 Ntango mpokwa ekumaki, bamemaki epai na Yesu batu mingi oyo bazalaki na milimo mabe. Yesu abenganaki milimo mabe yango na maloba na ye, mpe ye abikisaki lokola batu nyoso na malali. 17 Ye asalaki

boye mpo na kokokisa likambo nebi Isaya alobaki: "Ye akamataki mpasi na biso, mpe amemaki bamalali na biso."

Matayo 9:35 Yesu azalaki koleka bipai nyoso kati na bavile mpe bamboka nyoso. Ye azalaki kolakisa na ndako na losambo ya bango, kosakola Nsango Malamu na Bokonzi, mpe azalaki kobikisa batu nyoso na malali mpe batu nyoso na mpasi.

Matayo 10:1 Yesu abengaki bayekoli zomi na mibale na ye, apesaki na bango nguya na kobengana milimo mabe mpe na kobikisa malali nyoso, mpe mpasi nyoso. (Mako 3:14,15)

Matayo 10:8 Bobikisa batu na malali, bosekwisa bakufi, bobikisa batu na lepre, bobengana milimo mabe. Bino bosili kozwa mpamba, bopesa mpamba lokola.

Matayo 11:5 batu bakufeli miso bazali komona, batu bakufeli makolo bazali kotambola, batu na lepre bazali kobika, batu na matoi na kokangana bazali koyoka, bakufi bazali kosekwa, mpe bamosikini bazali koyoka Nsango Malamu.

Matayo 12:15 Ntango Yesu ayebaki likambo yango, ye alongwaki na esika yango, mpe ebele ya batu balandaki ye. Ye abikisaki batu nyoso na malali,

Matayo 15:30 Ebele ya batu bakumaki epai na ye komema elongo na bango batu bakufeli makolo, batu bakufeli miso, batu na mpasi, batu bakokaki kosolola te mpe batu mosusu mingi na malali. Batiaki bango na makolo na Yesu, mpe ye abikisaki bango.

Matayo 17:20 Yesu alobaki na bango: "Mpo bozali na kondima moke eleki. Nalobi na bino likambo ya solo: soki bozalaki na kondima ata moke lokola mbuma na mutadi, mbele bokoloba na ngomba oyo: 'Longwa awa mpe kende kuna,' mpe ngomba yango ekolongwa. Likambo moko te ekoleka bino.

Mako 1:34 Yesu abikisaki batu mingi oyo bazalaki koyoka mpasi na malali ndenge na ndenge, abenganaki milimo mabe mingi. Azalaki kopekisa milimo mabe na kosolola, mpo ete bayebaki ye malamu.

Mako 3:10 Lokola ye azalaki kobikisa batu mingi, batu nyoso ya mpasi bazalaki koya mbango epai na ye, mpo na kobanda nzoto na ye.

Mako 6:5,6 Kuna Yesu akokaki kosala ekamwiseli moko te, kasi atiaki bobele maboko likolo na ndambo na batu na mpasi mpe abikisaki bango. 6 Mpe ye azalaki kokamwa mpo bazangaki kondima. Nsimba yango Yesu akendeki kolakisa na bamboka nyoso na pemberi.

Mako 6:13 Bazalaki kobengana milimo mabe mingi, mpe bazalaki kobikisa batu mingi na mpasi, kopakola bango na mafuta.

Mako 6:55,56 Batambolaki bipai nyoso na mokili yango, babandaki komema batu na malali na likolo na mbeto, mpe koya na bango na esika bayokaki ye azalaki. 56 Mpe bipai nyoso, Yesu azalaki kotambola kati na bamboka na bavile, mpe bamboka mike, batu bazalaki koya kotia batu na malali na bisika na libanda. Bazalaki kosenga Yesu ete atika batu na mpasi kobanda

nsuka na bilamba na ye, mpe batu nyoso na kobanda yango bazalaki kobika.

Mako 8:23-25 Yesu asimbaki motu akufeli miso na loboko, mpe akendeki na ye na libanda na mboka. Nsima, Yesu atiaki nsoi na miso na motu yango, atiaki maboko likolo na ye mpe atunaki ye: "Okoki komona?" 24 Mokufeli miso atalaki mpe alobaki: "Namoni batu, nazali komona bango lokola banzete, kasi bazali kotambola." 25 Yesu atiaki lisusu maboko likolo na miso na motu yango. Motu yango atalaki makasi liboso na ye, ye asili kobika, azalaki komona nyoso polele.

Mako 9:29 Yesu alobaki na bango: "Ezali bobele mpo na nguya na kobondela nde motu akoki kobimisa ndenge na molimo yango."

Mako 16:17,18 Mpe tala, batu na kondima ngai bakosala bikamwiseli oyo: Bakobengana milimo mabe na nkombo na ngai. Bakosolola na lokota ya sika. 18 Soki bakokamata nyoka na maboko na bango to soki bakomela nkisi mabe, likambo mabe moko te ekokuma epai na bango. Bakotia maboko likolo na batu na malali mpe batu yango bakobika."

Luka 4:8 Yesu alobaki na ye: "Bakomaki na Buku: 'Opesa lokumu na Mokonzi Nzambe na yo, osalela bobele ye moko.'"

Luka 4:40 Nsima na kokufa na moi, batu nyoso oyo bazalaki na batu na malali ndenge na ndenge bakumaki na bango epai na Yesu. Ye atiaki maboko likolo na bango nyoso moko na moko, mpe abikisaki bango.

Luka 5:15 Kasi nsango na Yesu etambolaki mingi koleka. Batu mingi bayanganaki mpo na koyoka ye mpe na kozwa kobikisa na malali na bango.

Luka 5:17-25 Mokolo moko ntango Yesu azalaki kolakisa, Baferusi mpe balakisi ya mibeko kobima na mboka nyoso na Galilaya na Yudaya na Yerusalem, bafandaki pembeni na ye. Nguya na Mokonzi ezalaki elongo na Yesu mpo na kobikisa batu na malali. 18 Batu mosusu bakumaki na motu na nzoto molito, komema ye na mbeto. Balukaki nzela na kokitisa ye na ndako mpo na kotia ye liboso na Yesu. 19 Kasi ntango bawazi nzela te mpo na batu mingi, bamatisaki ye likolo na ndako. Bafungolaki mutu na ndako mpe bakitisaki ye elongo na mbeto na ye kati na ebele ya batu liboso na Yesu. 20 Ntango Yesu amonaki kondima na bango, ye alobaki na motu na malali: "Ndeko na ngai, nasili kolimbisa masumu na yo!" 21 Balakisi na mibeko mpe Baferusi babandaki kokanisa: "Motu oyo azali nani kofinga Nzambe boye? Nani akoki kolimbisa masumu? Nzambe moko akoki!" 22 Yesu ayebaki makanisi na bango mpe alobaki na bango: "Mpo na nini bozali na makanisi ndenge oyo kati na mitema na bino? 23 Nini ezali pete koleka, koloba: 'Nasili kolimbisa masumu na yo,' to koloba, 'Telema mpe tambola'? 24 Kasi nalingi boyeba ete ngai, Mwana ya Motu, nazali na nguya awa na mokili mpo na kolimbisa masumu." Bongo Yesu alobaki na motu na nzoto molito: "Nalobi na yo, telema, kamata mbeto na yo mpe kende na mboka na yo!"

Luka 5:25 Nokinoki motu yango alongwaki na miso na batu nyoso, akamataki mbeto na ye oyo ye alalaki likolo na yango, mpe azongaki na mboka na ye kosanjola Nzambe.

Luka 6:17-19 Yesu akitaki likolo na ngomba elongo na bango mpe atelemaki na esika alima. Na esika yango, ebele ya bayekoli na ye bazalaki. Batu mingi na Yudaya mpe Yerusalem bazalaki wana, mpe batu na vile pembeni na mai monene, mboka Tire mpe Sidona. 18 Batu yango bakumaki mpo na koyoka Yesu mpe mpo na kozwa kobikisa na malali na bango. Batu oyo milimo mabe bazalaki konyokola bango, babikaki lokola. 19 Batu nyoso balingaki kobanda nzoto na ye mpo bayebaki bokasi ezalaki kobima kati na ye mpo na kobikisa bango nyoso.

Luka 7:21,22 Na ntango yango mpenza Yesu abikisaki batu mingi na malali, na batu na nzoto molito mpe batu na milimo mabe, mpe afungolaki miso na batu mingi. 22 Nsima yango ye azongisaki maloba epai na bayekoli na Yoane Mobatisi: "Bokende kosolola na Yoane Mobatisi likambo bosili komona mpe bosili koyoka: batu bakufeli miso bazali komona, batu bakufeli makolo bazali kotambola, batu na lepre bazali kobika, batu na matoi kokangama bazali koyoka, bakufi bazali kosekwa, bamosikini bazali koyoka Nsango Malamu.

Luka 8:2 mpe basi basusu oyo basili kobikisama na milimo mabe mpe na malali: Maria, nkombo mosusu na ye Magadala, oyo Yesu abenganaki milimo mabe nsambo na kati na ye,

Luka 9:2 Ye atindaki bango na kosakola likambo na Bokonzi na Nzambe, mpe na kobikisa batu na malali.

Luka 9:11 Kasi ebele ya batu bayokaki likambo yango, mpe balandaki ye. Yesu ayambaki bango, alobaki na bango likambo na Bokonzi na Nzambe mpe abikisaki batu oyo bazalaki na bosenga na kozwa kobikisa.

Luka 13:12 Ntango Yesu amonaki mwasi yango, ye abengaki ye, alobaki na ye: "Mwasi, osili kobika na malali na yo."

Luka 13:32 Yesu alobaki na bango: "Bokende koloba na nkoi yango: 'Ngai nazali kobengana milimo mabe, mpe nakokokisa mosala na kobikisa batu na malali lelo mpe lobi, mpe na mokolo na misato nakosilisa mosala na ngai.'

Yoane 5:8 Yesu alobaki na ye: "Longwa, kamata mbeto na yo, mpe kende."

Yoane 5:14 Nsima na mwa ntango, Yesu akutaki ye na ndako na Nzambe na Bayuda, mpe alobaki na ye: "Yoka, osili kobika sik'oyo. Osala lisumu lisuste, mpo ete likambo mosusu koleka oyo na mabe ezwa yo te."

Yoane 14:12 Nayebisi bino solo: motu na kondima ngai akosala misala oyo nazali kosala lokola. Akosala bobele koleka mpo ete nazali kokende epai na Tata.

Misala Bantoma 3:6 Petero alobaki na ye: "Nazali na mbongo to or te, kasi nakopesa yo eloko oyo nazali na yango: na nkombo na Yesu Kristo na

Nazareta tambola!"

Misala Bantoma 5:15,16 Mpe babandaki komema batu na malali pemberi na nzela, kolalisa bango likolo na kitikpara mpe mbeto mpo ete ntango Petero akozala koleka, molili na ye ekoka koleka likolo na basusu kati na batu na malali. 16 Ebele ya batu bazalaki kokima mbango kouta na bavile pemberi na Yerusalem, bazalaki komema batu na malali mpe batu oyo bazalaki koyoka mpasi mpo na molimo mabe, mpe bango nyoso bazalaki kobika.

Misala Bantoma 10:38 Boyebi ndenge nini Nzambe asopaki nguya na Molimo Mosantu likolo na Yesu motu na vile na Nazareta. Yesu atambolaki kati na mokili kosala misala malamu mpe kobikisa batu nyoso oyo bazalaki nse na bokonzi na Jaboro, mpe Nzambe azalaki elongo na ye.

Misala Bantoma 19:11,12 Nzambe azalaki kosala bikamwiseli mingi na maboko na Paulo. 12 Mpo na oyo bazalaki komema bilamba mpe litambala oyo ezalaki kobanda nzoto na Paulo mpo na kotia likolo na batu na malali. Bongo, bazalaki kobika na bamalali na bango, mpe milimo mabe bazalaki kobima na bango.

Baroma 8:26 Bobele boye, Molimo asungaka biso batu petepete. Mpo toyebi kobondela te lokola ekokani, kasi Molimo mpenza abondelaka Nzambe mpo na biso na kolela ndenge oyo bakoki kotalisa yango na maloba te.

1 Bakorinto 12:9 Bobele Molimo moko yango apesaka kondima na motu moko, mpe apesaka na motu mosusu nguya na kobikisa batu na malali.

1 Bakorinto 12:28 Mpo na oyo kati na lingomba, Nzambe atiaki na liboso bantoma, na esika na mibale banebi, mpe na esika na misato balakisi. Nsimba na oyo ezali batu na kosala bikamwiseli, nsimba, batu oyo bazali na nguya na kobikisa batu na malali, batu na kosunga batu mosusu, batu na kokonza, batu oyo bazali na likabo na kosolola na lokota godi.

Bafilipoi 2:27 Ye azalaki na malali penepene na kokufa, kasi Nzambe ayokelaki ye ngolu, bobele ye te, kasi ngai lokola, mpo ete nazwa mawa mosusu koleka te.

Yakobo 5:14 Soki motu moko na bino azali na malali, ekoki ye abenga bakumba na Lingomba, bango bakobondela mpo na ye, bakosopa mafuta na mutu na ye na nkombo na Mokonzi.

1 Petero 2:24 Kristo mpenza amemaki masumu na biso na nzoto na ye likolo na krusi, mpo ete biso tokufa epai na masumu, mpe tobika na bomoi sembo. Bobikisamaki mpo na bampota na ye.

3 Yoane 1:2 Ndeko na bolingo, nazali kobondela ete makambo na yo etambola malamu, ete ozala na bokasi na nzoto lokola ozali na bokasi na molimo.